



NEWSPAPER CLIPPING

Date	:	14 September 2018
Title	:	Pelbagaikan fungsi institusi masjid
Publication	:	Sinar Harian Online (Pahang)
Page	:	

PAHANG

Pelbagaikan fungsi institusi masjid

NIK AMIRULMU'MIN NIK MIN
14 SEPTEMBER 2018

MUADZAM SHAH - Peranan masjid bukan lagi sebagai tempat ibadah dan aktiviti keagamaan semata-mata sebaliknya perlu dikembangkan sebagai institusi dengan fungsi lebih luas demi kepentingan masyarakat.

Sebagai sebuah institusi, pentadbiran dan pengurusan masjid juga seharusnya lebih profesional supaya setiap perancangan pembangunan dan kecemerlangan ummah yang dirancang dapat dilaksanakan dengan lebih berkesan.

Atas kesedaran dan matlamat itu, Masjid Tengku Ampuan Afzan, Bandar Satelit (MTAABS), Muadzam Shah mempunyai pelbagai fungsi.

Biarpun masih baharu, MTAABS sudah mampu berada pada tahap terbaik melalui usaha ahli jawatankuasa yang diterajui Pengerusi Masjid, Dr Khairulnizam Mat Karim, 39.

Beliau berusaha menjadikan masjid sebagai pusat komuniti dan kebajikan setempat selain lokasi persinggahan pengguna laluan Kuantan - Segamat.

Beliau yang dilantik sebagai Pengerusi MTAABS sejak Jun 2017 mengakui ada cabaran terpaksa dihadapi terutama dalam mengubah cara berfikir masyarakat terhadap peranan masjid.

Anggap tugas berat

Pensyarah Kanan Unit Bahasa dan Pengajian Umum, Universiti Tenaga Nasional (Uniten) Kampus Sultan Haji Ahmad Shah, Muadzam Shah ini berkata, ada masyarakat masih melihat masjid perlu berciri eksklusif.

"Saya tahu tugas ini cukup berat, sebab itu selepas nama dicadangkan untuk jawatan pengerusi, saya ambil masa agak sebelum terima.

"Tanggungjawab ini besar, bukan hanya mengurus masjid semata-mata namun perlu memikirkan usaha membangunkan pemikiran, jiwa dan kerohanian ummah melalui peranan masjid itu sendiri," katanya yang memiliki ijazah kedoktoran dalam bidang perbandingan agama.



NEWSPAPER CLIPPING

Date	:	14 September 2018
Title	:	Pelbagaikan fungsi institusi masjid
Publication	:	Sinar Harian Online (Pahang)
Page	:	

Anak kelahiran Ulu Langat, Selangor ini berkata, fungsi asal MTAABS kecil sahaja tapi kedudukannya di tepi jalan utama, turut menjadi tumpuan pengguna jalan untuk rehat dan solat.

"Jadi saya lihat, masjid ini ada fungsi lebih besar.

"Justeru, saya dan ahli merancang strategi menggunakan segala ilmu untuk memberikan yang terbaik melalui MTAABS kepada masyarakat.

"Usaha ini memerlukan masa dan banyak cabaran terpaksa dihadapi," katanya.

Ada biro khas

Dr Khairulnizam berkata, dalam aspek kebajikan dan kemasyarakatan, MTAABS mempunyai Biro Pembangunan Ekonomi dan Kebajikan yang menguruskan projek khas MTAABS Prihatin yang dilancarkan sejak Disember 2017.

Projek ini melibatkan usaha mengumpulkan dana bagi membantu golongan yang memerlukan.

"Pada masa sama MTAABS juga menyediakan bantuan bagi musafir yang putus sumber kewangan, bantuan Ramadan dan Aidilfitri.

Beliau berkata, jika masjid tidak mainkan peranan, tidak mustahil isu masyarakat Islam mendapatkan bantuan atas ihsan rumah ibadat agama lain akan terus berlaku kerana mereka tidak mengamalkan birokrasi dalam penyaluran sumbangan.

"Situasi ini ini kadang-kala mengundang konflik antara agama, itu yang kita bimbangkan. Jadi kita kurangkan kerenah birokrasi dan protokol ini.

Beliau berkata, MTAABS turut membantu institusi pendidikan di sekitar Muadzam Shah mengutip dana melalui tabung khas.

"Kita tidak mampu menyumbang dengan jumlah yang besar namun sekurang-kurangnya kita dapat membantu dengan cara ini," katanya.

Dr Khirulnizam berkata, usaha yang dilakukan di MTAABS mendapat kerjasama baik ahli kariah dalam aspek bantuan tenaga dan kewangan.

Beliau berkata, beberapa perancangan baharu diatitkan untuk masa akan datang melalui Pelan Perancangan Strategik 2018-2022 bagi fasa pengukuhan pelaksanaan pembangunan dan pengurusan MTAABS.

Katanya, MTAABS tidak mampu untuk bergerak sendiri melainkan menjalinkan kerjasama.

"Kami bekerjasama dengan ahli akademik untuk memberi khidmat perundingan dalam meningkatkan pembangunan dan pengurusan," katanya

NEWSPAPER CLIPPING

Date : 14 September 2018
Title : Pelbagaikan fungsi institusi masjid
Publication : Sinar Harian Online (Pahang)
Page :



NEWSPAPER CLIPPING

Date : 14 September 2018
Title : Pelbagaikan fungsi institusi masjid
Publication : Sinar Harian Online (Pahang)
Page :



NEWSPAPER CLIPPING

Date : 14 September 2018
Title : Pelbagaikan fungsi institusi masjid
Publication : Sinar Harian Online (Pahang)
Page :



NEWSPAPER CLIPPING

Date : 14 September 2018

Title : Pelbagaikan fungsi institusi masjid

Publication : Sinar Harian Online (Pahang)

Page :

